

Ekainak 15 - Irailak 15

"IRURARRAK MUNDUAN" UDAKO POSTAL LEHIAKETA

Urrutiko bazterrak nahiz gertukoak, edozein dela ere zure helmuga, euskara bidelagun ona izango duzu. Zauden tokian zaudela, postaltxo bat hartu eta zer moduz zabilzan kontatuz bidali guri: **euskaraz, noski!**

Sariak:

- **14 urte azpikoentzat:** Sendaviva Nafarroako Natur Parkerako bi sarrera.
- **Gainerakoentzat:** nekazalturismo batean gaua eta gosaria bi lagunentzat. Zozketa bidez aukeratuko ditugu postal-irabazleak! Zozketa San Migel eguneko hamaiketakoan egingo da.

BALDINTZAK:

- Euskaraz zerbait kontatzea.
- Bidali duzun lekuko zigilua izatea. Edozein lekutakoa, Irurakoa izan ezik.
- Ekainaren 15etik irailaren 15era bitarteko zigilua izatea.
- Pertsona bakoitzeko postal bat zenbatuko da.
- Bidaltzailearen datu hauek jarri beharko dira: izen-abizenak, adina eta harremanetarako bidea (telefonoa edo e-maila).
- Postalak bidaltzeko helbidea:

**IRURA BIZI ELKARTEA
KULTURA BULEGOA
GAZTE ETA KULTURUNEA
PELLO ARRESE KALEA, 1
20271 IRURA Gipuzkoa**

(Irura Bizi elkarteak antolatuta)



NOTA

Toda la información en castellano en www.irura.eus o en la oficina de cultura


HERRIKO JAIETAN INDARKERIA MATXISTARI AURRE HARTZEKO PROTOKOLOA

Irurako Berdintasun Arlotik herriko jaietan indarkeria matxistari aurre hartzeko protokoloa osatze lanetan hasi gara. Horretarako partaidetza prozesua jarri dugu abian herriko eragile desberdinekin. Xede nagusia, jaien testuinguruan eman daitezken indarkeria matxista kasuen aurrean prebentzioa landu, arreta antolatu eta erantzun publiko irmoa bermatzea da. Partaidetza prozesu honen baitan hainbat lan saio burutuko ditugu. Indarkeria matxistaren edozein forma edo adierazpen deuseztea herritar ororen ardura dela jakinik, Irurako Berdintasun Arlotik lan saio hauetan parte hartzera gonbidatzen zaituztegu. Informazio gehiago: berdintasuna@irura.eus



2023 AURREKONTU PARTE-HARTZAILEEN EMAITZAK

2023ko aurrekontu parte-hartzaileetan herritarrek egindako baldintza guztiak betetzen dituzten proposamenak bozketa fasera pasa ondoren, hauexek izan dira emaitzak.



Beraz "Argiztapen jasangarria Ibaigain pasealekuan" jartzea izan da proiektu bozkatuena.

EKAINAK 28, LGTBIQ+ PERTSONEN ESKUBIDEEN NAZIOARTEKO EGUNA

LGBT Harrotasunaren nazioarteko eguna, 1970 urtetik ekainaren 28an ospatzen da mundu osoan zehar. 1969ko ekainaren 28 goizaldean Stonewallen (New York), pertsona homosexualen askatasuna 'ahalbidetzen' zuen pub bakarrenetako batean poliziak sorrarazi zuen istilua eta ondorengo egunetan kale hartan egon ziren manifestazioek izandako oihartzunaren ondorioz ospatzen da.

Egun honen helburuak genero eta **sexu aniztasuna** ezagutzera ematea, kolektiboaren **eskubideak** aitortzea eta jasaten duten diskriminazioa salatzea dira, **harrotasun** sentimendua ere azalaraziz.

"Harrotasuna" bakoitzak bere buruarengan duen begirunea eta amodioa da, eta ondorioz errespetuz eta duintasunez tratatua izateko duen eskubidea, joera sexualengatik erasorik jasan gabe.



EKAINAK 23 "SAN JUAN SUA"

EKAINAK 15 - IRAILAK 15 "IRURARRAK MUNDUAN"



euskara



Irurako
udala



kultur
mahai



castellano

05 / astelehena **17:30** Liburutegian

BIDAIA LILURAGARRIA IPUIN KONTAKETA MUSIKATUA

Ikuskizun honetan, Perlik eta Koxkolok bidaia liluragarri bat egitera eramango gaituzte. Musika eta dantzaren laguntzaz, toki zoragarriak eta lagun bitxiak aurkituko dituzte munduan zehar, eta ilargira ere iritsiko dira. Aniztasunaren, berdintasunaren eta ekologiaren aldeko ipuin-musikatu dibertigarria, haurren irudimena pizteko eta familia-giroan ezin hobe pasatzeko.

- 7 urte bitarteko haurrei zuzendua



07 / asteazkena **11:00** San Migel plazatik abiatuta
IRURAKO ADINEKOAK SASOIKO EGOTEKO EGITASMOA

65 urtetik gorako pertsonak ibilbide bat egiten dute ariketa fisikoa bultzatu eta elkarren arteko harremanak sustatzeko. Ibilbidea hamaiketako batekin amaitzen da. Bi modutara har daiteke parte, erabiltzaile bezala edo mugikortasun arazoak dituztenei laguntzeko boluntario aurkeztuz.

Parte hartzeko: **943 691 333** zenbakira deitu edo **gizarte@irura.eus** helbidera idatzi.

- +65 urte

Oharra: laguntzaileak gazteagoak ere izan daitezke.



10 / larunbata **15:30** Trinketeian

IV. AMETSA PILOTA XARE TXAPELKETAREN FINALERDIAK

Xare eskolako ikasleen arteko txapelketa. (Ametza Pilota elkarteak antolatuta)



16 / ostirala **22:00**
Zizurkilgo goiko frontoian

LOATZO MUSIKA OSKOLAKO 20. URTEURRENA OSPATZEKO FESTA

20 urte betetzen dira, Anoeta, Ibarra, Zizurkil, Villabona, Altzo, Alegia, Irura eta Adunako udalak, musika eskola publiko baten eskaintzan aurrerapausoak ematen ari direla, ikasle eta irakasle talde batek proiektu honetan sinesten dutela, herri txikietak biztanleek musika ikasi, tresnak jo, gozatu eta musikari profesionalak izateko ateak zabalik dituztela. Urte guzti hauetan, artista profesional asko sartu da Loatzotik: musikariak, antzerkilariak, dantzariak, margolariak... diziplina ezberdinetara hurbilduaz, munduak beste kolore batzuk badituela erakusten saiatzen direnak. Eskerrik asko, hasieratik proiektu honetan sinetsi eta amesten jarraitzen duzuen guztioi; udal arduradun, udal langile, guraso, ikasle, irakasle... den denei, mila esker!!! 20 urte hauek ospatzeko, antolatu dugun jaialdi berezi honetan zuek denak egotea nahiko genuke.

- Euskaraz
- Publiko guztia

(Loatzo Musika Eskolak antolatuta)



17 / larunbata **16:30** Trinketeian

IV. AMETSA PILOTA XARE TXAPELKETAREN FINALAK

Xare eskolako ikasleen arteko txapelketa. (Ametza Pilota elkarteak antolatuta)



21 / asteazkena **18:30**
Herri eskolako aretoan

HITZALDIA: 'HIZKUNTZA ESKUBIDEAK, DENON AUZIA'

Gure aurreiritziez hasi eta euskararen lege eta kontsumitzaileen legeak landuko dira. Horrekin batera, hizkuntza eskubideak zer diren landuko dira eta adibide praktikoak ere jarriko dira zerk-nola eragiten digun lantzeko.

- Euskaraz
 - Publiko guztia
- (Galtzaundi eta Euskararen Behatokiak antolatuta)



22 / osteguna **18:00**
Liburutegian

IRAKURLE TALDEA (SAIO BEREZIA)

Taldekoa izan zein ez izan, etorri gurera, liburuak aitzakiatzat hartuta elkarrizketarako bideak zabaltzera! Hilabete honetako irakurgaiak: "Azken etxea", Arantxa Urretabizkaiarena

- Euskaraz
 - + 16 urte
- (Irakurle taldeak antolatuta)



23 / ostirala **20:00** San Migel plazan

SAN JUAN BEZPERA

Barrikotea, sua piztea, eta Onintza abesbatza. - Publiko guztia

Oharra: Barrikoterako mahaia eta sagardoa Udalak jarriko ditu.



26 / astelehena **16:00** Herri eskolako aretoan
ODOL EMATEAK

Lagundu biziari, eman odola! 26 goizean 943007884 telefonora deitu eta hitzordua eskatu beharko da. (Irurako Odol Emaileen Elkarteak antolatuta)



2024KO EGUTEGIRAKO ARGAZKI-LEHIAKETA

2024ko egutegia osatzeko argazki-lehiaketarako gaia 'IRURA, FESTA ETA KULTURA' izango da. Urtero bezala, adin guztietako herritarrek parte hartu ahal izango dute lehiaketan. Aukeratutako argazki-egileek 30€ko erosketa-bonoa irabaziko dute. Lehiaketaren oinarriak www.irura.eus webgunean aurkituko dituzue. **Animatu!**

